

Na osnovu člana 20. st. (1), (2) i (3), člana 21. stav (4), člana 22. stav (6) i člana 42. stav (3) Zakona o geološkim istraživanjima Federacije BiH („Službene novine Federacije BiH“, br. 9/10 i 14/10), člana 25. st. (2) i (3) Pravilnika o sadržaju, načinu izrade elaborata o klasifikaciji, kategorizaciji i proračunu rezervi čvrstih mineralnih sirovina i podzemnih voda, imenovanju, sastavu i radu stručne komisije za reviziju elaborata („Službene novine Federacije BiH“ broj 85/17), Federalno ministarstvo energije, rudarstva i industrije, o b j a v l j u j e:

## JAVNI POZIV

za prijavu stručnih lica (dopuna važeće liste) za povremeni rad u stručnim komisijama iz oblasti geologije  
Federalnog ministarstva energije, rudarstva i industrije

### 1. Predmet javnog poziva

Predmet javnog poziva je dopuna važeće liste od 20.03.2016. godine i 04.01.2021.godine, za povremeno učešće u radu stručnih komisija Federalnog ministarstva energije, rudarstva i industrije na sljedećim poslovima:

#### 1.1. Revizija Elaborata o izvršenim geološkim istraživanjima;

- 1.1.1. Revizija geološke dokumentacije za osnovna i regionalna geološka istraživanja;
- 1.1.2. Revizija elaborata o klasifikaciji i kategorizaciji rezervi metaličnih mineralnih sirovina;
- 1.1.3. Revizija elaborata o kategorizaciji i klasifikaciji rezervi podzemnih voda;
- 1.1.4. Revizija elaborata o klasifikaciji i kategorizaciji rezervi uglja;
- 1.1.5. Revizija projektne, tehničke i druge dokumentacije za geološka istraživanja, poslove specijalističkih ispitivanja predviđena projektnom dokumentacijom (minerološka, geomehanička, geofizička i dr.).

### 2. Pravo prijave

2.1. Za rad u komisijama pod tačkom 1.1. na Javni poziv mogu se prijaviti lica koja se **ne nalaze** na važećoj listi stručnih lica formiranoj Odlukom od 20.03.2016. godine i Odlukom od 04.01.2021. godine i lica koja se nalaze na važećim listama, a kod kojih je status **radnog iskustva promijenjen**.

Pravo na prijavu imaju lica koja imaju najmanje visoku stručnu spremu - VII stepen stručne spreme (diplomirani inženjeri geologije), odnosno visoko obrazovanje prvog ciklusa (koje se vrednuje sa minimalno 240 ECTS bodova), drugog ili trećeg ciklusa Bolonjskog sistema studiranja iz oblasti geologije, položen stručni ispit za zaposlenike geološke struke i sljedećim radnim iskustvom:

- 2.1.1. Za reviziju geološke dokumentacije za osnovna i regionalna geološka istraživanja najmanje 5 godina radnog iskustva u toj oblasti;
- 2.1.2. Za reviziju elaborata o klasifikaciji i kategorizaciji rezervi metaličnih mineralnih sirovina najmanje 3 godine radnog iskustva na istraživanju metaličnih mineralnih sirovina;
- 2.1.3. Za reviziju elaborata o kategorizaciji i klasifikaciji rezervi podzemnih voda najmanje 3 godine radnog iskustva na istraživanju podzemnih voda;
- 2.1.4. Za reviziju elaborata o klasifikaciji i kategorizaciji rezervi uglja, najmanje 3 godina radnog iskustva na istraživanju uglja;
- 2.1.5. Za reviziju projektne, tehničke i druge dokumentacije za geološka istraživanja, poslove specijalističkih ispitivanja predviđene projektnom dokumentacijom (minerološka, geomehanička i geofizička ), najmanje 3 godina radnog iskustva na minerološkim, geomehaničkim i geofizičkim specijalističkim istraživanjima.

### 3. Sadržaj prijave

Uz prijavu kandidata, koja treba da sadrži kraću biografiju, kontakt telefon i e-mail adresu, potrebno je priložiti sljedeće dokumente (original ili ovjerene kopije ne starije od 6 mjeseci):

- 1) Diplomu o sticanju visoke stručne spreme;
- 2) Uvjerenje o položenom stručnom ispitu za zaposlenike geološke struke;
- 3) Dokaz o radnom iskustvu u struci iz tačke 2.1. Javnog poziva;
- 4) Izjava sa referentnom listom elaborata na kojima ja podnosilac prijave radio kao odgovorni obrađivač ili saradnik;
- 5) Ovjerena izjava da podnosilac prijave nije osuđivan za krivično djelo;
- 6) Uvjerenje o državljanstvu (ne starije od šest mjeseci) ili ovjerena kopija CIPS-ove lične karte;
- 7) Naziv poslovne banke i broj transakcijskog računa.

**Na prijavi obavezno navesti komisiju za koju se podnosilac prijavljuje.**

#### **4. Podnošenje prijave**

Propisno zatvorene kovertirane prijave sa naznakom "PRIJAVA ZA RAD U STRUČNIM KOMISIJAMA IZ OBLASTI GEOLOGIJE. NE OTVARATI !" dostaviti u roku od 15 dana od dana objavljivanja Javnog poziva lično na protokol Federalnog ministarstva energije, rudarstva i industrije ili putem pošte na adresu:

**Federalno ministarstvo energije, rudarstva i industrije,  
Ulica Alekse Šantića bb,  
88000 Mostar**

Javni poziv bit će objavljen u dnevnom listu „Večernji list“ (izdanje za BiH) i na web stranici Federalnog ministarstva energije, rudarstva i industrije [www.fmeri.gov.ba](http://www.fmeri.gov.ba)  
Sve informacije vezano za Javni poziv mogu se dobiti u Federalnom ministarstvu energije, rudarstva i industrije, Odsjek geologija, na telefon: 036/513-829 ili na e-mail: [sedin.alispahic@fmeri.gov.ba](mailto:sedin.alispahic@fmeri.gov.ba)

Nepotpune i neblagovremene prijave neće se uzeti u razmatranje.

#### **5. Odabir kandidata**

Prijave će otvoriti i razmotriti Komisija Federalnog ministarstva energije, rudarstva i industrije u roku od petnaest dana nakon isteka krajnjeg roka za prijave. Kandidati koji ispunjavaju uslove bit će uvršteni na važeću listu stručnih lica utvrđenu Odlukom od 20.03.2016. godine i Odlukom od 04.01.2021. godine za povremeni rad u stručnim komisijama iz oblasti geologije Federalnog ministarstva energije, rudarstva i industrije, a imenovani u komisiju po potrebi i specijalnostima. Lista stručnih lica za povremeni rad u stručnim komisijama iz oblasti geologije Federalnog ministarstva energije, rudarstva i industrije objavit će se na web stranici Federalnog ministarstva energije, rudarstva i industrije [www.fmeri.gov.ba](http://www.fmeri.gov.ba)

#### **6. Troškovi**

U postupku ovog javnog poziva Federalno ministarstvo energije, rudarstva i industrije ne snosi nikakve troškove podnosiocima prijave te zadržava pravo da u slučaju opravdanosti poništi ovaj javni poziv. Prispjela dokumentacija se neće vraćati.

#### **7. Napomena**

Federalno ministarstvo energije, rudarstva i industrije koristiti će konačnu listu stručnih lica za povremeni rad u stručnim komisijama iz oblasti geologije i za formiranje komisija za pregled privrednih društava u smislu ispunjavanja uslova za obavljanje registrovane djelatnosti iz oblasti geoloških istraživanja na osnovu čl. 21. stav 4. Zakona o geološkim istraživanjima Federacije BiH i za formiranje komisija za tehnički pregled ispunjavanja uslova za upotrebu i uvođenje u proces rada postrojenja za istražno i eksploataciono bušenje, laboratorija, geofizičke i ostale opreme za obavljanje djelatnosti iz oblasti geoloških istraživanja i ispitivanja, na osnovu člana 23. stav 2. Zakona o geološkim istraživanjima Federacije BiH.